



Tutu nu ndaa cha cuiti cha iyo chi ñivi cha cuu ñivi ñuun.

Tutu ya chinu chi ta cua cha ñivi ñuun cua coto ñi ndihi cha cuiti cuenda cuhva cha cua tiso tiñu ta cua savaha tiñu votar chi ñivi cha nducu tiñ, ta cuni tiñu cha cua savaha tahan ñi cha tahan chi savaha ñi

Cha quechaha

Cha ni cumani cha cua queta ñivi ñuhun España tichi ñuhun ya, cha iyo tahan maan ñivi ñuun tichi ñuhun ya, ta iyo ñi cuhva iyo tahan maan ñi.

Cuaha xaan ñuun nu iyo ñivi ñuun iyo, ta in in ñuun can iyo maan tuhun cahan ñi, ta in in ñuun can iyo cuhva cha iyo ñi, ta siin cuhva iyo ñi, ña iyo ñi cuhva iyo ñivi cha iyo ñuun nahnu, chacan ndacu cha quee ndaa ñi, ta ndahvi xaan iyo ñi ta ña iyo taxi ñi.

Ndihi ñivi cha iyo ñuhun Ñucohyo, iyo chi cha cua tayahvi ñi ndihi cha cuiti cha iyo chi ñivi ta chi ñivi ñuun, tacan cua cuu naan ndihi cuhva cha tava ndaa tiñu chi ñivi can, cuhva cha ña chaa ini policía chi ñi a ñivi cha satiñu nu cuu chi cuenda ra cumi tiñu a nu cuu chi ministerio público a nu cutuni tiñu.

Cha cuu INEGI chaha chi cuhva cha tichi cuiya 2020 sacuaha tiñu cha tichi ñuhun Ñucohyo iyo ñivi cha iyo uni cuiya a iti nuun cha cahan ñi in tuhun ñuun, ta iyo in oco uhun mil ñivi cha cahan tuhun ñuun.

Nu cuu chi Iztapalapa chi nu cuu chi Gustavo A. Madero chi nu cuu chi Tlalpan chi nu cuu chi Xochimilco ndihi ican iyo xaan ca ñivi cahan vaha.

Ta tuhun cha cahan ñivi ñuun cha iyo ñuun Ñucohyo cuu tuhun náhuatl, mazateco, tuhun ñuun chi otomí

Ta chacan nini xaan cuu chi cha Instituto Electoral chai yo Ñucohyo cua nducu chi cuhva cha cua savaha ca ñivi ñuun votar ta cua tiso tiñu cumi tiñu, ta iyo chi cha cua nducuiti tahan ñi ta cha ndatuhun tiñu cuenda xuhun cha cuu presupuesto participativo.

Cha cuu presupuesto participativo

Cuu chi in xuhun cha chaha cuenda tiñu chi ñivi cha cuu tiñu cha cua tiso vaha tiñu colonia can. Ta ñivi cha iyo ican maan ñi cua cati ndaa cua cuatiñu tiñu chi, cuu cuatiñu tiñu chi cha cua coso vaha iti, a cha cua coso vaha parque a nu cua siqui tiñu a nu cua cutuhva tiñu.

Cha cuiti cha iyo chi ñivi

Cha cuu **Declaración Universal de Derechos Humanos** cati chi ndihi ñivi ñuñivi inuun cuu ñi, ta in ni cha cuiti iyo chihin ñi.

Cha cuu **Constitución Política ñuhun Ñucohyo** cha cuu chi ley cahnu xaan, ta cati chi ti tichi ñuhun ya iin ni cha cuiti chi cha nuna iyo chi ndihi ñivi, ta iyo chi cha cua tayhvi ra cumi tiñu chihin chi.

Cha cuu **Constitución Política ñuun Ñucohyo** cati chi ti iin ni nu nuna chi cha cuiti iyo chi ndihi ñivi. Iyo chi cha cua savaha ra cumi tiñu cha cua tayahvi tiñu ndihi cha cuiti can.

Ñivi cuu tiñu

Cuu ñivi cha satiñu cuenda ra cumi tiñu, ta ndehe ñi ndaa cha cuu cha vaha chi ñivi.

Cha cuiti cha iyo chi ñivi cha cuu nducu ñi cuu ñi cumi tiñu

Cha cuu contitución politica ñuhun Ñucohyo cati chi ti ndihi ñivi iyo cha cuiti chihin ñi cha cuu nducu ñi tiñu cha cua cuu ñi cumi tiñu, ta chehe cuu cha cuiti can:

- Cha cua savaha ñi votar
- Cuu tahan cuu ñi candidata chi candidato, ta cua savaha tahan tiñu votar chi ñi
- Cuu cua tihi ñi chi ñi cha cua tiso vaha tiñu ndaa cha cuni chi cha cua coso vaha ñuun ñi.

Cuhva cha ni ndoo ndihi ñuhun vaha cuenda ndihi cha cuiti iyo chi ñivi.

Cha cuu cha ni ndoo ndihi ñuhun vaha cuenda ndihi cha cuiti cha iyo chi ñivi cati chi ti ndihi ñivi yo cha cuiti.

Ndihi cuhva cha ni ndoo tiñu ndaa nu tutu ya, ta chehe cuu chi:

- Tiso cha cuu Naciones Unidas cuhva cha iyo cha cuiti chi ndihi ñivi ñuun
- Cha cuu Convenio 169 cuenda Organización Internacional del Trabajo sobre Pueblos Indígenas y Tribales en Países Independientes, cuu chi cuhva cha ni nduvi nuun ndihi ñuhun cuenda cha cuiti chai yo chi ñivi ñuun
- Iyo tahan cha cuu Declaración Interamericana cuenda ndihi cha cuiti cha iyo chi ñivi ñuun

Ndihi cuhva cha nduvi nuun ndihi ñuhun cuu chehe:

Ndihi ñuun nu iyo ñivi ñuun iyo cha cuiti chi ñi cha cua canihin maan ñi cuhva cuni ñi coo ñi. Cuni cati chi ti cua ndehe maan ñi cuhva cuni ñi coo ñi cuhva cha iyo tahan maan ñi ñuun ñi.

Ndihi nu cuu chi cuenda ra cumi tiñu chi nu cutuni tiñu iyo chi cha cua coo in ñivi cha cuu cahan vaha, vati cua sandico coo ñi cha cahan ñivi ñuun, ta cuhva can cua cutuni tahan ini ñi cuu tiñu can.

In cha casi chi ñivi cha cua cuinu cha cuiti cha iyo chi ñi, ta cua coo vaha ñi cuu chi cha iyo xaan ñivi ndavaha ni. Chacan iyo chi cha cua satiñu icaa ra cumi tiñu chi ñivi ñuun, ta cua cha cua cuu sanaan tiñu a cua casi tiñu cha cani tiñu chi ñi ñahan a ndacu tiñu cha ñahni yahvi ndaa ñi, tacan ni chi ve cuati cha cuu ñivi ñuun.

Ndihi chehe cuu cha cuiti cha iyo chi ñuun nu iyo ñivi cahan vaha:

- In ni cuhva cuu ra rai chi ñi ñahan. Cuni cati chi ti ñi ñahan ñuun iyo cha nuna chi ñi, ta iyo cha cuiti chi ñi cuhva ndihi ca ñivi, iyo tahan cha cuiti chi ñi cha cua cumi tiñu chi ñi, ta ña cua tava ndaa tiñu chi ñi.
- Iyo cha cuiti chi ñi cha cua cahan ta cua cati ñi ñaan saxini ñi.
- Iyo cha cuiti chi ñi cha cua coo cumi tiñu ñi cuhva cha iyo maan ñi, soco cua tayahvi tahan ñi cuhva cha ni nduvi nuun tiñu cuenda ndihi cha cuiti cha iyo chi ndihi ñivi.
- Iyo cha cuiti chi cha nuna chi ñi cuhva cha cuu ñi ñivi ñuun cha cua satiñu ñi cuenda cumi tiñu a ndaa inca cha ndacu ñivi cha cuu cumi tiñu.
- Iyo cha cuiti chi ñi cha cua cumi cumi tiñu chi ñi ta cua nihin ñi ndaa vaha tahan chi cua nihin ñi cuhva cha cati ley.

- Iyo cha cuiti chi ñi cha cua cahan ñi ndaa cha cuu cha vaha ca cuenda ñuun ñi. Iyo cha cuiti chi ñi cha cua tiso ñi ñivi cha cua cuu cumi tiñu ñuhun ñi a ñuun ñi.

Ley cha iyo tichi ñuhun Ñucohyo

Cha cuu Constitución Política de los Estados Unidos Mexicanos cuu chi tutu nu ndaa ndihi ley cha iyo ñuhun Ñucohyo cati chi tu iyo cha cuiti chi ndihi ñuun nu iyo ñivi ñuun cha cua canihin maan ñi cuhva cha cuni ñi coo ñi, ta cua tiso ñi chi ñivi cha cuni ñi cha cua cundaca ñahan chi ñi.

Ndihhi ñivi ta ley cha iyo tichi ñuhun ya cua tayahvi tiñu cuhva cha iyo cha cuiti chi ñivi ñuun cha in ñi a uvi uni ñi iyo chi cha cua cuiso tiñu tahan ñuun ñi.

Ley cha iyo tichi ñuun Ñucohyo

Nu tutu ya ndaa cuenda ley can:

- Tutu nu ndaa ndihi tiñu a ley cha iyo ñuun Ñucohyo
- Cuhva cha iyo tiñu cha iyo ñuun Ñucohyo cha cua tiso tiñu chi ñivi cha nducu tiñu

Ndihhi ley ya chahan chi cuenda uvi uni ca cha cuiti cha iyo chi ñivi cha iyo ñuun Ñucohyo:

- Iyo cha cuiti chi ñi cha cua coo nuna ñi ta cua canihin maan ñi ndaa cha cuni ñi cuhva cha cua cuu coo vaha ñi chi ñivi tahan ñi, ñuun ñi chi cha ña cua coo ndahvi ñi.
- Cha cua savaha ñi votar, ta yoni chi cua cati ñi yoo chi savaha ñi votar
- Iyo cha cuiti chi ñi cha cua savaha ñi votar ndihhi chaha cha cua coso cumi tiñu
- Iyo cha cuiti chi ñi cha cua natahan ñi chi in grupo a chi in partido soco in cha vii cua cuu chi.
- Iyo cha cuiti chi ñi cha cua cunda ñi ndehe ñi nu cuahan tiñu ndacu tiñu votar ta cha cua coso cumi tiñu
- Iyo cha cuiti chi ñi cha cua nducu tuhun ñi chi ñi ndiso tiñu cuenda cha cua coso cumi tiñu, ta ñaan saxini ñi cua savaha ñi.
- Iyo cha cuiti chi ñi cha cua cati ñi chi ñi ndiso tiñu tu cha ña cuni ñi cha cua coto tiñu yoo cuu ñi
- Iyo chi cha cua ndehe ra cumi tiñu cha na cua cuinu cha cuiti cha iyo chi ñi ñahan chi rai cha cuu satiñu tahan ñi cuenda ra cumi tiñu a cha cua nducu tahan ñi tiñu a cua cuiso tiñu tahan ñi.
- Iyo chi cha cua tayahvi ra cumi tiñu ta cua tindee ra chi ñivi ñuun cha iyo ñuun Ñucohyo cha na cua coo ñi cuhva cha cuni maan ñi cuhva cha iyo tahan maan ñi ñuun ñi.

Iyo cha nuna cha cua canihin maan yo yoo cuni yo cha cua cundaca ñahan chi yo.

Iyo cha cuiti chi ndihi ñivi cha cua canihin maan ñi yoo cuni ñi cha cua cunda ñahan chi ñi, ta cuhva cha cua cuu canihin ñi chi ñivi can cuu chi cha cua savaha ñi votar. Cua savaha ñi votar yoo cuni ñi cha cua cundaca ñahan chi ñi, yoo cuni ñi cha cuu diputado.

Ñuhun Ñucohyo cuu chi in ñuhun nu iyo cha nuna cha cua canihin maan yo yoo cuni yo cha cua cundaca ñahan chi yo.

Cha cuu Cargos de elección popular

Cuu chi tiñu cha nihin ñivi cha cua nducu tiñu, soco iyo chi cha cua savaha tiñu votar cuenda ñi: cua cuu cuu ñi xini a diputada a diputado, a senadora a senador, a cua cuu ñi xini chi ndihi ca ñivi ndaca ñahan, a cua cuu ñi xini ñuun ñi.

Quivi cha cua canihin tiñu chi ñivi cha cua cuu cantidata a candidato cua sava tiñu chi cuhva cha cati ley. Ta cua tayahvi tahan tiñu cha tu cha ñivi tivaa a ñivi ñuun cuni ñi nducu ñi tiñu cha cua cuu ñi xini a senadora a senador a diputada a diputado a cha cua cuu ñi cumi tiñu ñuun ñi.

Cha cuu **Instituto Electoral de la Ciudad de Mexico** iyo chi cha cua ndehe chi na cua tayhavi tiñu ndihi cha cuiti cha iyo chi ñivi ndihi nu cuu chi barri chi ndihi nu iyo ñivi ñuun tichi ñuun Ñucohyo.

Tu cha in ñivi cha cuu ñivi ñuun ta cuni ñi cuu ñi cantidata a candidato masi ñahni sivi partido ñi cha cuu Instituto Electoral iyo chi cha cua tayahvi tiñu cuhva cha iyo maan ñi ñuun ñi cha cuenda cha ndacu ñi votar.

Cha ndacu cha cuu Instituto Electoral ñuun Ñucohyo

Ra cumi tiñu ñuhun Ñucohyo nduvi nuun ra chi cumi tiñu inca ñuhun cuhva cha cua sanaan tiñu ndihi cha ña vaha cha tahan ñivi ñuun, ta chacan savaha tiñu ley chi tiñu cuhva cha ndihi ñivi cha cuu tiñu iyo chi cha cua tayahvi ñi ndihi cha cuiti cha iyo chi ndihi ñivi iyo ñuhun Ñucohyo.

Cha cuu Instituto Electoral cuenda ñuun Ñucohyo tayahvi chi cuhva cha inuun cuu ndihi ñivi, ta in ni cuhva iyo cha cuiti chi ñi, ta ña iyo chi cha cua tava ndaa tiñu chi ñi, ta in in cuiya ndacu tiñu in cha ndau ñi cuhva cha na cua quihvi taha ñivi cha cuu ñivi nu cua savaha ra cumi tiñu in tiñu a cha cua ndehe tiñu cuenda xuhun cuhva cha cua satiñu tiñu.

Chehe cuu ndihi cha savaha cha cuu Instituto Electoral tichi cuiya 2023-2024 cuhva cha na cua ndehe tahan ñivi ñuun cuhva cha cua tiso tiñu cumi tiñu:

- 1.-Sandico coo tiñu tuhun cuenda cuhva cha cua tiñu tiso tiñu cumi tiñu, sandico coo tiñu chi chi tuhun mazahua, náhuatl, otomí chi zapoteco
- 2.-Chacoo ñivi cha chaha cuenda chi ñivi ñuun cuenda ndihi cha tahan chi cha cua sacuinu in in partido cuhva cha cua quee vii tiñu cha tiso tiñu chi cumi tiñu.
- 3.-Chacoo video chi tuhun mazateco, náhuatl, hñahñu, mazahua, tuhun ñuun, otomí chi zapoteco cha cua cuhva tiñu cuenda ndihi cuhva cha cua savaha tiñu in cha cuiti quivi can.

Tichi cui ya 2023 savaha tiñu inca tiñu cuhva cha na cua tihi ca ñivi ñuun chi ñi cuhva cha canihin tiñu chi ñivi cha cua cuiso tiñu, ta savaha tiñu inca chi cuenda cuenda xuhun cha cuenda cuiya 2023-2024 ta chinu chi chi tuhun ñuun cha cahan xaan ca ñivi ñuun tichi ñuhun ya.

Tu cha savaha ñivi ñuun votar, vaha xaan cua coo xaan ca cha cuiti tichi ñuhun Ñucohyo ya.

Tutu cuenda cha cuiti cha iyo chi ñivi ñuun cha cua savaha tiñu votar chi ñivi cha cua cuu tiñu, ta cuu chi in tutu cha ña ii xaan, ta savaha tiñu grabar chi tichi yoo julio cuiya 2024, nu cuu chi Huizaches 25, colonia Rancho Los Colorines, delegación Tlalpan, C.P. 14386, Ñuun Ñucohyo.

Instituto Electoral de la Ciudad de México

www.iecm.mx